

SETA NEOEI

NO. 256

Migntaci Solnaltijii

8, 1908

Le Messager Micmac

Petit Journal publié par le R.
P. Pacifique, Missionnaire, à
Sainte-Anne de Restigouche,
P. Q. No. 256. 1er aout, 1908



The Micmac Messenger

Yearly Subscription 50 cents;
Single Copies, 5c. Address
all communications to Rev. F
Pacifico, Restigouche, P. Q.

PATLIASEOEI GELOSOAGAN

Lôg oelaptem tan nitjantjitiq epe-
goitnag pigoelgig nige oesoatotiti sol-
naltjitiq ag tan teli olloitemitj, ola
pgeoeg tet nemitonetan teloigasig.

Getoi almitogeo gitjiga ola tegeno-
set haligitgonietj ag onamagig. Po-
gomgeg oigomit lno sagmao, tetli gina-
moas oetjategemg agantieoimg 9 tes.
tegenoset. Tôgo lieian nagasites gôs-
pemp gitjiga pa sig otjil emitogoaltim-
geoetjitiq, aptj elmstelg tlîptog aps-
gasian ag gtjipogtog. Li mitgoalas
sagmao San Teni ag getoi nemito pilei
alasotmôgoôm tan telasig; oegômag
elp lias ag oagametgog, tôgo gtjigang
ag goesômgiaq; etog tegologonag gtji-
gang pigtattes, tan menag oetjies.

Ola tegenoset loieimgeoel teloisit,
meta tlîsp 25 tes. postieoalot oia sap-
eoio elegeoit, otjisoisig lnoi alasot-
môgoôm gesgapiegiaq. Elp pestieoim-
gel, 4 tes. S. Tômnig, tôgo na nagoeg
ninasonos gotjino papeoit Piô intel-
neo 4, 10 S. Lôlan, 12 Sg. Glej, 15 Mali
nenagaloteg na nagoeg gtjipogtogeoei
gtjipatlaseoagig tegotemeg ag môgoeg
elogotimeg, 16 S. Soasen, oetjoitemeg
alasotmôgoôm natoageneg, 24 S. Pat-
lemin, 28 S. Agostin; 29 San Patis
tempoetôs, 30 Sg. Lôs limaoei.

Alasotmelseoanetj Pelnal Lalôgôg
nepgag 8 tes. Set. Tepg. 1908. Histogotj
maltjeoetj tjinem 33 tesiponat, otgota-
lot tes. ag gteg alames elitasigsep gisi
Setaneoimgeg tapoðoel elogotimeg.

Elp mitjoatjitiq nepg Piel Tôpi oto-
tjitiq Sosamtjitiq 7 tesiponat, 17 tes.
tepg. Tôgo sigenatasit alpatotjitiq 3
tes. Sôsep Samoel Gle ogoitjitiq, ag
Taniel Pasg ototjitiq Losil; elp Pelnal
Palnape ogoitjitiq Piel Alpet 6 tes.
Piel. tepg. Tjotj Lapiloa 25 Mali tepg.
San Môlson 17, Nastasi Tôpi 7, Toma
Tômnig 15 pag. tepg. Gelepi Tetam 10,
net tesitjig getjigao.

SETANEOMGEOEL

Gteg agantieoti igagep gogomitjino
opestieotim, ag metj pemi gpmitelmot
ag emtogoalot lnoegatig. Negem tôg
elp metj oleiolgoteo teligenat ag eoli-
tetegat.

LISTOGOTJG maoi pigoelgepenig
minatjoinog mesgig alamesigeg ag
tcoaltingeg tôgo gisi miaolagoeg gisi
alassotmamgep tlîsp mosgatasigsep-
emel napoigigenel matjatigel, sagaoel
ilagotaganigtoq tiel, na Sôsep Sagôp
ogoisel oitjigmatga tan teli ntiosgellis
ogtinin oesami oisgoalteg, Esipteg elas-
los ag gesg gisteoiteg sagmasgol getoi
apattelasenel eln tana sig peoatem-
etisenel oinalogan glapis ogtôgôn gôs-
oatasenel tan nagtenoasenel, mo pa
getoi asidetemogsep eioetimetoitjetges

Gisolgol ogoaiaoan; na oetjî pgitjî
gisteois, tapoipongeg metj pisti laplo-
senigtoq. Tôgo tlîsp teatos ogino-
temoaan elegeoilijel tan ssespasilitjel;
tjel oetjî ptjili gsalsipene, ag espal-
sepenel istege tapoðoel sagmao eleg-
oagig. Tlîsp oitjigmatga apigsig-
toaseniga taniga netoisgellip ogtinin, ag
gisi apigsigtoateg oigomaseniga ag
otjooda, tôgo elaseniga: Nogotj ola
mset tlagatemotigo ma oegoalnoðog
gôgoela.

Na mset oeli migotetemotitjig tan
nemitonetj histogotjga meta telamogol
oegela istege pa minmatjimgel.

Elp pagalamot Taniel nigani gtjitiq-
tegeoinopittalôgoôm, ansaleoilijel no-
jeliasenepel. Elp sagaoel elegeoit tan
lôg oinsit Paltasar mao oigopalsoltitjig
onagapemga getoi maligotemotitjel sa-
peoigel gôgoel Selosaleng tiel oetjî
elmatôgsepenel Papilôneg. Tôgo gesg
eli gisi ngotômgoanatiteg, nemitemeg
mpiten lôgôpsenigenigtoq eoligiges tan
tli nepôten ag mo pegitjenog smagenisq
otjigotatjig ag mset nepatitji.

Piloel aptj nemitemegesnel gôgoel me
oesgeðeimgeoel. Natel oetjagsepnel
\$47 ogtjil alasotmôgoôm esgoiag gis-
gisi apangitosenig tanig notjötamitjig
ag megötigel napoigigenel ag oasôgô-
nemaganel gasaoig apapi.

Tjinemog api alotasitjig Barndy Brook pitao mataoeg 17 mail natami telpesog, Poligap Maltan ag Sôsep Gapoin, Tjim Litji tan notjötg patalot. Nalsis Satao olssogoateget Toma Misel ag Piel Sag Misel netna tesitjig otjöt nanilitji sagmaga i naniogeogânag tjet elogeneg tell pgitlogotitjig.

Setaneoei tepg. 12 tes. Listogotitjig neote oentjigôom soel pisgoatitjig magtaoeg oogoisga tapositjig epitjig gagmitjig gotjmpoga na nemiatitji natgemelitj gagana, na pisgoetesing ag gepsagegetitj gagana; tesetjig nemiatitji negela magtaoelitji oogoisg Piel Palao ag otepitemel. Piel Ginis ag otepitemel, mogoa pesgeoci gisgate-nog gato nige gisgateg.

LNOI sagmao EPEGOITG o toigiget 26 tes. set tepg.

Ansema nige gisgog notjinag patliasg gaglagoetjig, nige gisgog elmatitjig. Notjinen patlias teloisit San A. McDonald, gato gteg patlias na negem maltjeotj me menag mesnemog lapaloesa nsema pa sig oetji pgising ag natji apôgônmemoatjel notjinala oe-tjiet espi geginaomoôgoomg, meta nige na mogoë gisi logotioq tan totjio gepsagasic, nagemaseg oen tami gisi li mitogoen gtegel lapaloesa; na negemag tjet gisi alamesigetag setaneolmeg nagoeg ag nôg gelosit patlias Pio McDonald teloisit notji ginaoet pogsega. Na amsgoes notjinen tell gelolg tan tell pagi ginoatôg setaneo-ing tan teli pogoiga, ag mset oenag pagelastegeg; tôgo na ansema telpioagieiegig tangig mo sigentasoltigoa; gato mset emtôgoatemititeg tan tet-otji gelolg pestonemegeoela. Na tan totjio metiagtestaleg agtag alames, na oegela tanig mo sigentasoltigo atigig an telli tepototitj solieoeia; gtotem-nag negemôo teloetjig, soel etog maoi ntaoi latineointotitjig lnog ola menigoga tan teligig migmagia, mo teloemeg migmaoi ntemga, meta tes na neote agentieoti tapo na maoi pis-goetatjig alasotmôgoomga, tôgo na gegnotemasoltitjig tanel alasotmagenei eoasital gteg agentieota, net na natel oetji gsemietjig, golaman na oetji ngemaseg ogisi oli maoi ntotinea, na tan totjio getapegletetj ngotei eta nige oen ngoti ntôg tell gisi oli maoi ntottitjig.

Etotg tjet nige mo atigenenos oiteg tanig notji ntotitjiga. Notji pipogoet San Misel Egsoet; tôgo tapositjig nigan ntôga, Lemi Pelnal ag Antoni Mitjel notji ntôg Patlig Lamoli; P. S. Lamoli; Agostin Pelnal; Toma Piel; Piel P. Egsoet; Piel Pelnal; San Gaplan; Loi Millie; Pilip Lapôp, na tesitjig notji ntotitjiga. Tôgo totjio tapositjig notnaoetjiga, Misel Golnapil ag San Tj.

Lamoli Inoi sagmao ogoisel, ag Misel P. Egsoet na negem notji nsetemal-soet.

Ansema etog nige gagi gisatasig igatagenimanei msigoa, mo ansema gisapi olasinog msigoa ag tesipôoimana, telategeg lnim eosami niolgisgeg oetjitoa; gato na nogo tan tell milamog mitjiptjoei lög oelasig ag minitja, na pa oitjei.

Magoe oenag malieoigoug ola nige set aneomga; pa sig neotetj epit gisgentasit na amsgoes gogoel notanemg teli gsi piltoasis, neotetj epit mogoë gisi getlcoeg osigentasina ag mogoë getjagol ogegontjel otimelin, nôg tôg maltjeoetjois elignemoetmeg ogomitjga, tôgo ogomitjel tell listogotitjig Nginoôpotitjg, teloisit gisgolisoedg Malgelit Golnapil gesg mo malieoigega; ogisigoma tleia epegoitg, teloisit gisigaoag Noel Alig Toma; gato ola nige epittjtj gisigentasit, otjel tôg ethi ocniteggilijel ttipogtog, gisigo teloisit Gôp me oen na ttipogtog Gôpag na epittjtj oetaglet, 35 tesiponat tôgo gis ansema oeli gagisipongeg ogisi melleoina, oetjinemomel teloisilitjel Noet Lapôpal, gato epit teloisit Anies Gôp. Gato nige gegonaoetjig Sôsep Pelnal ag Mali Anies Loi teloitatitjel Malgelit Anies, ag teloetjig na amsgoes ngelnigenen tell oantageg tan totjio sapogoan tilgtjatotja; aptjlo pa, et ngelnigenag megatgetemiteo, gato ola nige ngelnigenen pa mogoë metego.

Tapositjig nepgig ola Inoi menigog, Misel Piel 55 tetotjeg ag elpatotj Lagln Tj. Lamoli 11 tetotjeg Inoi sagmao ogoisa; na tjet oetjienepag Setang listogotja ansema nige pemi tapo-pongeg otjitanena, na tjet negemag elt mesnegeg sapeoig glotjeogtotimgega ignemolnamegtek gotjino patlias.

EPEGOITNEOEI agnotemagen (P. E. Island), Inoi menigog sagepgecigos 29 tes. mesgigeg alameseg ag mset lnog gemnicolitp. nîg ogitjili moibaltin-epei tan tell saptesgemeg metoeg gisnogdoagen lapigôt, igagep sigôosog. seasiceg agi-ilosog tetateg ag na totjio miaoigneoasigep, etog agetaig lnog mesnogotip, misogo totjio mal-paleoit getjîtôg otlapigôtei, ag na nogo oetjategemg tegoelagat, oelmetôg mal-paleoit misogo gagi nepapôg ag gagi oagmatogol oentjigôomel tan tet eige-p lapigôt, nige mogoë nesanagtenog.

Tanig oesoatotitjel solnaltjitel neotiponogegecigtog Inoi menigog oisoonaol tet eiogasigel: LNOIGTOG AGLASIEOIGTOG Sagmao San Lamoli. Chief John Sark Misel Toma. Michael Thomas Tjosi Nagot Joseph Knockwood Tjô P. Pelnal Joseph Bernard

'Toma Piels	Thomas Peters
Anies Misel	Agnes Mitchell
Piel P. Pelnal	Peter P. Bernard
Tjani Misel	John P. Francis
Piel Plansoe	Peter Francis
Piel Sag Lamoli	James Sark
Tjø Misel	Joseph Mitchell
Tjosil Alen Piels	Jos Allen Peters
Tjø Tj. Pelnal	Joe J. Bernard
Lemi Pelnal	Lemney Bernard
Atoen Misel	Antohny Mitchel
Tell agnotenoet Atoen Misel ag elp tell ololigjet:	

Ansattnas R.A. 1993-07-01

Apsgoigos 8 tes. 1908. Notinjen
moloatemeeg tan tell olalleq teligig log-
soagan igaton ogtijt ninen lnoieg gla-
pis nige gisgog igel migmaoisigel
alasotmagameoel ag siggentatimeoel
oigtigenn. Aptj nige nemitoegeel tan
tell atigk ag tan tell gelolg migmaol
solnaltitjel pikel igagel. Togo eigele
gelolgel egiltjemgeoel ag alasotmagann
tanel menag notemoegsepenn; tøgo ni-
nen tellvieg istage aptjetigel tan tell
gtlamitatemeg ag tan tell apögñemata-
temeg gtelogðoagan. Atjiptjoto nige
oetjategeng msegig tan tan tell apög-
ñematemegø etaoel mset tan tesil-
tigt migmag lnog osoatotineo gelolgel
oigtigenn, otapögñematememeo ag
otiginamasoltinao.

Nögmato apögönematemenetj osoatötinetj ag ginamasoltinetj gelolgol oligatigenn maol amsgoes teli litagan-oligasigel otjil gino tan telisoltigo; golaman telimolog megtigel otjil gino; tepaotig apögönematemetog otjil me atjil sipelio gisi oligasiten.

GTJIGANG setaneosi tegp. 14 tes. Sagmaoag pegsingag agantioimgega, gelolgeg alasotmanggeg ag nestoapo-goeteg, gelolgeg angistaganeg negem teleistög megoalg ntininenaoigtoga ag saliteoata>tagatieg otjit ninen gelolge-minena ag neteisgetemgeg ap02 gisi-maoatoeg na magoega otjit apogone-magat eolejtij sagmao mesgig alasot-magođm altogaessgisogniga. Ag gel-olgeg tan tel. saliteoalatitj sagmaoa solleoeieeg ignernageteg. Pigoelg mig-maaatj eloget setenial mset alignaieg getantoeg setaneoimgeceta me tan tel diplisiten. (S. P. P.)

Pasamai Nigola pogosõmgæg tæl na-
tji setaneoiteg listogotjg ag oligmægtjel
Ann Pielnal. Pogosomgep pa sig eloi-
geneg tesonemigstijg migmag Jnog:
nemeg Pasamaoi, tøgo Piel Sgalte Noel
Gapliel Piel Gøle sigosga Mali Gapliel
sosan Toma ag multaceti. Tia, Ni-

Sosan Roma ag maltjeoetj Tjoe Nigola. Tapositjig tjinemog etli npgepenig, Gapiel Nigolaag 75 tesiponataq ag Tjoe Nigolaag 74 pa sig nanogonag meg-oalg otgotalofeg.

Elp malleoipenig pogseg Misel Pöl ag
Soli Lanón.

AGNOTE MAGANEL

MIAOPOGEG gtagamgog (Nfld.),
sagepgeoigos 18 tes. nepgag mitjoa-
tjtijag ola elmotiega eoletjitag, teloemg-
etog geneg oelteg elmietyl tan tet tetli
aptji oleteo, meta mogoe nemitegeegoag
elpa opeigigol teli oapegigel istagetj-
goptjtijei, o lnim tana oeli angamgo-
sitag tjinemtjtijag.

Gteg oelago sagmaoag matjasitag natji saliteolitag otjit alasotoøgoðm, gtoi setaneoim pgisinteo etaoemg me oligoman meta patliasha elgemta S. Sanoeol gjipatliaseoagiga (Nigöla Gle-
töl)

Setaneoei tegemoset 3 tes. Gtiglinipen sagegeoigosöp 5 tes. oesoatoep nemgenemen pagitnematingeoel otjit pilei alasotmägoödm tan tel i pgötam-gatasiga. Tesipenig oli tjinemog mes-negig tani teloeng gesalatitj otjitja-gemitjoaa tjei ola nige tet tetli mog-tatasigel oisenoala mset tami eligte-megel otjit raser een otjitjtona. Noel Loi 2, Tjan Galieo 3.50, Oilliem Mag-tanel 2, Migel Magtanel 2; Tjan Inesg 2.25; Santeni Gietöl 2; Noel Gietöl 2; Tjoe Gietöl 2, Lalensem Gietöl 1.88, Piel Gietöl 1.88, Tjan Males 2, Toma Magtamel 2.15 Tjan Malten 2.32, Tjan Strit 2.32, Pasamal Penoe 2.82; Lislal Penoe 2.31; Mateo Pöleg 2, Tjan Penoe 2, Lali Penoe 1.15; Noel Mateo 2; Maltai Mates 50; Misel Mates 50; Sols Galieo 2, Lislal Olgat 2; Pati Inesg 2; Plansoe Magtanel 2; Nigola Gietöl 2; Migel Tjan 1.45; Tel Tjan 1.60; Pelnal Tjan 1.60; Egian Tjoe 1. Macatempelaotig 57.64, ag lög molocatem tjinemog tan tel olatagetitj otjit tan celi oli pgitnemaoatij petjilli ohmeto-tiltel Seut Analia, ag elt negem gogo-mitjino apögönemooata mtjtijagamitj-pulgtaog ag ogsitgamogeoei mimatjoa-renigot.

SAGAOEI AGNOTEIMAGEN (olipie
Loi sagmao gtagamgog Set. tepoch. 6.)
Amsgoe seeoieag sagmaoag teloisitag
Molis Loi na negemag amsgoe seeoieag
lasotmögöömeg gagmatögsepeneg
niaopogoega 1862 agostög 25. Aptj
terg gagi gisapegatög ogmasin. Sag-
mao nepg Molis Loi Setanoei tepoch-
set 12 1890, odi tjinemag emtogoal-
rogigel onagoöömgel tan tell gelolg og-
ögööagen tellogööatj Gisolgol. Aptj
terg tjinem oetji angologet glapis neot-
pongge ogelamogsä oglosoagen pem-
toatj tan tellogoetja. Aptj lgag neo-
lpongeg na totjio tjinemog maeoistög
iseoistotitj Olipie Loi eolgalgoisit ne-
em ap niganipogotean mimatjoine
nigma gtagamgiga. Asiteintimgeoei
tjinemotot, oelallög tan ignemoiög
nesig olatagena, gato tjei etog mo
a gegonimo, meta mo pa gisi ges-
oogaloag Gisolg, esgipeto me gitija
tji pitag mimatjoagen, glapis ngisi
asenemen nagegega. Gato nigeti ni-

ignemag npiten gisigo Sôsep Pelnal na negem niganpogoin glapis tan elasitja, ag nin apôgônemoa misôgo nin tan elasiosia; na gisigo oetji angologet nepg pag. tegp. 5, 1905. Olipie Lol aptj apatji ignemotj na ogtemotag, na eoletjitj tjinem aptj gteg gagnatôg alasotmôgoôm elgnateg mesematasig piel tegp. 30, 1908; eoletjtig mesig negemoo ogisatoneo ogtinineoag; gato paseg Gisolg ogoisonem tan teli mseng apôgônematiing ogisaton, pematôg ogtelogdoagena ag elg negem sagmatelli apatji migoitelmatj alasotmagenitog Gisolgol maoi eolistagoneo tan tel apôgônemataltititja ag tan tell alasotmelseogtoltititja otjit na Seut Anna Gogomitjino otalasotmôgoôma.

GEGINAMATIMGEOEI

Neogtetjeg nagoeg patlias alpemies egiltjeteg, asegitititj gisgo Toma Sipelio tan mo lnim tegôtemogsep: Posol ponane, Toma—Posol ponane Sagamao. Agnotemagani olgatigen egitemen?—Môgoetj eta giasgio; melotti gegina-matimgeoei tan Nisgameoitog, tan lög menoegelgo nin ag gil.—Nin ngo-tei?—Ee, gil. Teloigesenag niganig tjtj!tegeoinoag Esegielög teloisenag tan tlisp pemaogsis gis sag nige 2,500 tesipongeg gpagaminag.—Goastale, mo lnim getjigao.—Teliag teloen; gelolg gato ag geginoeg; tôgo negem Gisolg telapogoes, ala sapeolnoa oetongasena: Gil lnoin patliaseoin, oetji igalnep nin Isleligot notaotgigemoen.—Net getol taloeg?—Getol tloeg eta, nin patliaseoi oenitjani gtinineoô, mo na nin tetli igalsioap, tan meota ialsoteget negem nihasonip notjôtemoa nijantjitiq otjijagamitjoag, notjôtemolin elp gileoel, Toma.—Nin, sagmao, telitasî mo esami logðagananalno.—Gil, getel gil me mesig telalin mo ngoteo tan telitasin. Tepetog siaoi gitemenetj: 'Ogsoatoitesg tög ngelosoaganem ag gin-oatoatesg.'—Aptj gôgoei na?—Tan tellginamolög, mo na nin ngelosoaganem, Gisolg ogeginhamasotim, tan mesi piloato ag mesi nagato.—Etjelaton ansema, telasin geginamoen.

Tjigseten aptj ola tan pagalastemeg: 'Tjiptog gil mo glolaotj eloeoino ogioansgoltjasin, ogtji npen elocotitog, omaltem otjatoites gipitenigtag.—Netna?—Netna Gisolg peoatemoit gense-toimolin tan tell almitgetemen oina-pogoen, pelaton alasotmagan pageoimgeoei ag alamees; tôgo gtilmolin miamotj npeteseg ag miamotj gisatjein.—Môgoetj sgem-tog etog....—Tell omitelemol elp nin; tepetog môgoe getjito; ag tel-gimit Gisolg ginoatolin, tôgo nagatjian telasin etog ogtjateo gsegan.—Gato tlasin gil, notjinen, tôgo ino talli ota-psinog?—Naa negem Gisolg asiteglo-

lesg: 'Tjiptog eloeoino tan oetji gina-mot gtinim ag môgoe tjigsetolog, negem npeteo eloetitog, tepetog gil ogseta-testeg.'

Ogsetatesg miamotj, notjinen, metates asegitigo, soel tes geginemoin.—Ag gis teloesep telgitasi; gato gil môgoe telgitasian gtjigsetoin? Tan oigomot semagenis ag geginoatof nsanôgôn igag mögoeti sgemtig oenagasiog ag oeso-atôg opgomagan?—Tet gato tali nsanôgônig?—Teli nsanôgônig, tjal geget npoagan igag, mo gisgatjeion mset gôgoel enton ag gil gagi gsegan, tögeli nagsasig, etog sapônog mesctes-gemen.—Soel tjpagal.—Mo pa gla-msio, Toma, elitasî Gisolgolitog, tepe-tog mo gmaligeiao meta teliag telimol ogoisonemigtog ogijatj gogsetan. eln ôgotj negem telapogoes: 'Eloitemast rin ntinintog, Gtjisagmão teloet, mo pa menoagatemo onpen eloeoino, me-loitj ogioansgoltjasin ag olmimatjin; apatjittasöltigo.... ngatemotigo tan tetli oini pmitalög; gôgoel ta ogtjt getoi nptiög, gileo Isleligot tleialotr-ög?—Netna me gitjga ola oetji elitasi.—Mset na telimol, Toma, gesaltim-geoeitog, ag oli gtjijito na nagoeg tan clpa getleoi apsgoasitesg Gisolgolitogel, tapositag lög ogtji olitasitag, temg eta gpatliasem, tög elp Toma Sipelio.—(Echo de la Peyratte.)

TOMA TELI OSGOMATJEL MITJOATJITJEL

Menag gisi hemito tan telli ogtapson-itj mitjoatjitiq. Neogtetjit gegonget nigenag, nglj eoalt ogtinin, tög maol mgitelmatjel. Tepetog tan paseg ne-taoagatog na postemit ag oesoaltoga-latel oenel ag tegtesgoatol môgoa pi-amigtenog nsetoðgon gegong ag enti, tjal mo gisi epgotsgoagol gatjoeotjel. Nglj ag nemis mogoa ignemoatigol el-motjel opisgoalin lamogoðmg paseg aptji gogonatitel mitjoatjitiq ag teloetjig: 'O me gato gelositi!'

Tan gôgoei petjili logðaganaloeg mitjoatjitiqitog amotj angoeiat, tög tlisp gisi angoeiat glapis matjalolten, teloetjig: 'Ola Tomatjiti soal mitjoatjitiq paseg minit, na olmetög elpatotj' tan telli ngaseg gisi soaletj tloetag' mo gtilato na paseg ge angamogo. Me gato ola elpatotj nepatal oegea mitjoatjitiq gigoaten mitjoatjitiq, mogoa ta-li ogtapsonoh tan oenin.

Maoi mtoeg atignating olategen, tög matjalogsin ogtjt na, paseg na atjio elpatotj teleotjig. Etog tjal gis npeman tloetag oltasigapen me oleogogen.

(Siaot oigasitteo.)